

# TI MEED NE PTSEB PXOZ.

Ti zhey na me, rap zhey zie, per demaaste raw maw. Dzeño been zhey pensar ngo venen zhey zie o nguix ga zhey beel parne niaw maw. Per rap zhey ti meed groser demaaste win. Reb zhey lo tsieel zhey:

- -Cxeel lu venen lo na or siil ne cseeb luw lad beel parne gaw ma ne raw xsient new.

Per come rumbeyle me xpeed me gol or siil pxeeldac me venen. Pquieese zhuz ti lo guits win pseeb zhuza zhits guiet ne quie lo bayguiet reba:

- -Le na rne loo luu rumbeyle lu xpeed ne gane pxeldac na venen lad beel porne le xpeed ne gawa.

Ne nli scase goca. Tsine le win bdzin lo pxoz win, reb win:

- -Dad, le na biab, le scuaan bzhiee grese beel bnitlo ozhe cald ptop na, le siil nu.

Mbanse rac zhey, ziig zoon zhey, bnaaz zhey siil por ne nan zhey le xpeed zhey guiet. Daw siilse zhey per lultm guiet ne briece lo bayguiet le ti guits win briece ga, reba:

- -Le na rne loo luu rumbeyle lu xpeed ne gane pxeldac na venen lad beel porne le xpeed ne gawa.

Dzeño le zhey rle, gutede xpeed zhey necle ma ne raw ga xsient zhey gutude.

Un Cuento en el Zapoteco de San Pedro Mixtepec  
por Venancio Méndez M.